



3. december 2013

Inatsisartut suleriaasianni § 37 naapertorlugu Naalakkersuisunut matuminnga apeqquteqaateqarpunga:

Suiaqatigisanoortut oqaluffimmi katissinnaanerannut suut ajornaqutaappat?

(Inatsisartunut ilaasortaq Naaja H. Nathanielsen)

Tunngavilersuut

Novemberip 19-iani KNR-ikkut nutaarsiassatigut tutsiuppoq julip aallaqqaataaniit suaqatigisanoortut oqaluffimmi katittalersinnaangussasut. Taamaattoq erseqqippiannngilaq inatsisiliorneq maannamut sumut killinnersoq aammalu kikkut inaarutaasumik aalajangiisusussaanersut.

Maanna ukiut pingasut qaangiupput Justus Hansenip Demokraatineersup siunnersuutaa Inatsisartut tamarmiullutik ilalermassuk. 2012-imi junimi inatsisissatut siunnersuut nr. 106 Folketingip akueraa suaqatigisanoortut aappariinnerannut tunngasoq. Inatsilli taanna Kalaallit Nunaannut toqqaannartumik atuutilinngilaq, atuutilissappat immikkut peqqussusiortoqartariaqassammat.

2012-imi septemberimi Olga P. Berthelsenilu taamani oqartussaaffimmut Naalakkersuisusoq aperigatsinni akivoq Ilaqutariinnermut Naalakkersuisoqarfik danskit naalakkersuisunut allagaqarsimasoq suaqatigisanoortut oqaluffimmi katittalersinnaanerarat pillugu Kalaallit Nunaata kissaateqarneranik paasitillugit. Taamaalineranili danskit naalakkersuisui akissuteqarsimanngillat.

Taamaammat sulinerup maannamut killiffia aammalu qaqugu naammassineqassangatinneqarnerasoq aammalu Folketinget imaluunniit Inatsisartut inaarutaasumik akuersisususanersut pillugit paasitinneqarnissannik noqqaavunga.

Siumungaaq qinnutigissavara apeqquteqaammi apeqqutit tamarmik ullut qulit suliffiusut qaangiutsinnagit akineqariissasut.